



საქართველოს გაერთიანებული სახელმწიფოს და სოფლის მეურნეობის მინისტრი

ბრძანება N 2-168

20/02/2019

ქ. თბილისი

გარდაბნის მუნიციპალიტეტის სოფ. გამარჯვების მიმდებარედ სასარგებლო წიაღისეულის 65 444 ტონა თიხა-თაბაშირის (გაჯი) მოპოვებაზე სკრინინგის გადაწყვეტილების შესახებ

სსიპ „წიაღის ეროვნული სააგენტოს“ მიერ გზმ-ს ჩატარების საჭიროების დადგენის მიზნით საქართველოს გარემოს დაცვისა და სოფლის მეურნეობის სამინისტროში წარმოდგენილია სასარგებლო წიაღისეულის 65 444 ტონა თიხა-თაბაშირის (გაჯი) მოპოვების პროექტის სკრინინგის განცხადება.

წარმოდგენილი დოკუმენტაციით დგინდება შემდეგი, რომ სალიცენზიო ობიექტი მდებარეობს გარდაბნის მუნიციპალიტეტის სოფ. გამარჯვების მიმდებარედ, გარდაბნიდან 15-17კმ. სალიცენზიო ობიექტიდან უახლოესი დასახლებული პუნქტი დაშორებულია 180 მეტრით.

გეოსაინფორმაციო პაკეტის თანახმად სალიცენზიო ობიექტი წარმოდგენილია სამ უბნად, ობიექტის უბნების მიმდებარედ ფიქსირდება მუნიციპალიტეტის ბალანსზე რიცხული გზა, II უბნიდან 235 მ-ში ფიქსირდება მაგისტრალური გაზსადენი.

სალიცენზიო ობიექტის ფართობია I უბანი 23 790 მ², II უბანი 23 270 მ², III უბანი 11 6550 მ² მათი ჯამური ანგარიშია 163 610მ², საშუალო სიმძლავრე 0.25 მ, მოცულობითი წონა 1,6.

სალიცენზიო ობიექტის მარაგებია I უბანი 9516 ტ, II უბანი 9308 ტ, III უბანი 46620 ტ, მათი ჯამური ანგარიშია 65 444 ტონა.

სალიცენზიო ობიექტი აგებულია მეოთხეული ასაკის ნალექებით. პროდუქტული ფენა წარმოდგენილია თაბაშირის ლინზიებითა და შრეებით, რომლებიც განლაგებულია ქვიშიან-თიხიან და ღორღიან-გრაველიტურ მასაში. პროდუქტული წყება გადაფარულია მცირე სიმძლავრის კაჭარით, ქვიშით, თიხამიწით, ღორღით, ლოდნარითა და ნიადაგით.

სალიცენზიო ობიექტის ტერიტორიის დახასიათება მოცემულია რაიონში არსებული თიხა-თაბაშირის საბადოებისა და გამოვლინებების ანალოგიით.

წიაღის სარგებლობის ობიექტის დამუშავების ჰიდროგეოლოგიური და სამთო-ტექნიკური პირობები დამაკმაყოფილებელია.

საინჟინრო გეოლოგიური პირობების სირთულის მიხედვით ტერიტორია მიეკუთვნება I (მარტივ) კატეგორიას. ობიექტი წარმოდგენილია ფხვიერი, სუსტად შეცემენტებული ნალექებით; თაბაშირის შემცველი თიხნარებით, წვრილი კენჭნარის ჩანართებით და

დაფარულია ნიადაგის თხელი ფენით. წიაღისეულობის ობიექტის დამუშავება ხდება ღია (კარიერული) წესით.

სალიცენზიო ობიექტის დამუშავების დროს წარმოქმნილი ნარჩენების და ხმაურთან დაკავშირებული საკითხები არ არის წარმოდგენილი. ვინაიდან აღნიშნული სალიცენზიო ობიექტი 3 უბნად არის წარმოდგენილი და დიდი ფართობი უკავია შესაბამისად კუმულაციური ზემოქმედება იქნება მოსალოდნელი.

თიხა თაბაშირის(გაჯი) ქიმიური შემადგენლობაა: CaSO₄ 23-56% (საშუალო- 40%), CaSO₄ 2H₂O 29-70% (საშუალო 50 %), ქვარგვალეების რაოდენობა 0,0-30% (საშუალო 12%). შესაბამისად ღია კარიერული წესით მოპოვების დროს მოსალოდნელია ატმოსფერული ჰაერის დაბინძურება და ატმოსფერულ ჰაერში მავნე ნივთიერებების გაფრქვევა.

სალიცენზიო ობიექტის დამუშავების დროს ხდება ნაყოფიერი ფენის მოხსნა და შესაბამისად მოსალოდნელია ნიადაგზე ზემოქმედება. მოხსნილი ფუჭი ქანების განთავსებისთვის ტერიტორია არ არის წარმოდგენილი.

ვინაიდან აღნიშნული სალიცენზიო ობიექტის მოპოვების ადგილის ზედაპირი დიდ ფართობზეა წარმოდგენილი და მოსახლებასთან მცირე მანძილითაა (180მეტრი) დაშორებული, მოსალოდნელია გარემოს სხვადასხვა კომპონენტებზე მნიშვნელოვანი ზემოქმედება.

ზემოაღნიშნულიდან გამომდინარე საქმიანობის მასშტაბისა და მოსახლეობის სიახლოვის გათვალისწინებით მიღებულ იქნეს სკრინინგის გადაწყვეტილება, გარდაბნის მუნიციპალიტეტის სოფ. ახალი სამგორის მიმდებარედ სასარგებლო წიაღისეულის 65 444 ტონა თიხა-თაბაშირის (გაჯი) მოპოვების გარემოზე ზემოქმედების შეფასებისადმი დაქვემდებარების შესახებ.

ზემოაღნიშნული კრიტერიუმების გათვალისწინებით, „გარემოსდაცვითი შეფასების კოდექსის“ მე-7 მუხლის მე-6 ნაწილის და ამავე კოდექსის II დანართის 2 პუნქტის 2.1 ქვეპუნქტის საფუძველზე

ვ ბ რ ძ ა ნ ე ბ:

1. მიღებულ იქნეს სკრინინგის გადაწყვეტილება, სსიპ „წიაღის ეროვნული სააგენტოს“ მიერ გარდაბნის მუნიციპალიტეტის სოფ. გამარჯვების მიმდებარედ სასარგებლო წიაღისეულის 65 444 ტონა თიხა-თაბაშირის (გაჯი) მოპოვებაზე გარემოზე ზემოქმედების შეფასებისადმი დაქვემდებარების შესახებ;
2. სასარგებლო წიაღისეულის ლიცენზიის მფლობელი ვალდებულია უზრუნველყოს „გარემოსდაცვითი შეფასების კოდექსის“ მე-8 მუხლით დადგენილი სკოპინგის პროცედურის გავლა;
3. ბრძანება დაუყოვნებლივ გაეგზავნოს სსიპ „წიაღის ეროვნული სააგენტოს“;
4. ბრძანება ძალაში შევიდეს სსიპ „წიაღის ეროვნული სააგენტოს“ მიერ ამ ბრძანების გაცნობისთანავე;

5. სკრინინგის გადაწყვეტილების გაცემიდან 5 დღის ვადაში აღნიშნული გადაწყვეტილება განთავსდეს სამინისტროს ოფიციალურ ვებგვერდზე და გარდაბნის მუნიციპალიტეტის აღმასრულებელი ორგანოს და წარმომადგენლობითი ორგანოს საინფორმაციო დაფაზე;
6. ბრძანება შეიძლება გასაჩივრდეს თბილისის საქალაქო სასამართლოს ადმინისტრაციულ საქმეთა კოლეგიაში (თბილისი, დ. აღმაშენებლის ხეივანი, მე-12 კმ. N6) მხარის მიერ მისი ოფიციალური წესით გაცნობის დღიდან ერთი თვის ვადაში.

ლევან დავითაშვილი



მინისტრი